

**“Төрийн банк” ХХК-ийн Төлөөлөн удирдах зөвлөлийн Хараат бус гишүүн
С.Цэнд-Аюушийн 2022 оны эхний хагас жилийн ажлын тайлан**

Монгол Улсын Компанийн тухай хууль, Банкны тухай хууль болон бусад холбогдох хууль, Монгол Банкны Ерөнхийлөгчийн 2021 оны 86 тоот тушаалаар батлагдсан “Банкны Төлөөлөн удирдах зөвлөлийн Хараат бус гишүүнийг нэр дэвшүүлэх, томилох, чөлөөлөх журам”-ын дагуу “Төрийн банк” ХХК-ийн Төлөөлөн Удирдах Зөвлөлийн Хараат бус гишүүний үүргийг гүйцэтгэж 2022 оны эхний хагас жилийн байдлаар Төлөөлөн Удирдах Зөвлөлийн 12 удаагийн хуралд биечлэн оролцож, банкны өмнө тулгамдсан 40 гаруй асуудлыг шийдвэрлэхэд өөрийн санал дүгнэлтээ гаргаж ажиллаа.


Тайлант хугацаанд дараах ажлуудыг хийж гүйцэтгэсэн болно. Үүнд:

-Төрийн банкны 2021 оны үйл ажиллагааны тайлан, Мөнгө угаах, терроризмыг санхүүжүүлэхээс урьдчилан сэргийлэх үйл ажиллагааны 2021 оны жилийн эцсийн болон 2022 оны 1 дүгээр улирлын тайлан, Төрийн банкны гүйцэтгэх захирал Θ.Гантерийн контрактын гэрээний үүргийн биелэлтийн тухай, Банкны 2022 оны үйл ажиллагааны эрсдэлийн аппетит буюу эрсдэлээс хүлээж болзошгүй алдагдлын хязгаар тогтоо тухай, Төрийн банкны бүтцийг шинэчлэн батлах тухай, “Төрийн банк” ХХК-ийг нээлттэй хувьцаат компани болохтой холбоотой Төрийн банкны 2022-2024 оны дунд хугацааны стратеги төлөвлөгөө, 2022 оны бизнес төлөвлөгөө, 2022 оны Санхүүгийн төлөвлөгөөнд нэмэлт өөрчлөлт оруулах тухай болон банкны холбогдолтой зарим дүрэм, журам, зааврыг шинэчлэн батлах зэрэг асуудлуудыг хэлэлцэхэд хараат бус гишүүний үүргийн дагуу санал дүгнэлтээ хараат бусаар гаргаж ажиллаа.

-Эрсдэлийн удирдлагын асуудал эрхэлсэн хорооны хурлыг удирдан хуралдуулж банкны активын чанарыг сайжруулах, нийт активт эзлэх чанаргүй зээлийг бууруулах, хугацаа хэтэрсэн зээлийг төлүүлэх ажлыг эрчимжүүлэх, ашиглан, залилан гаргуулахгүй байх, цаашид болзошгүй эрсдэлээс урьдчилан сэргийлэх талаар удирдамж чиглэл өгч ажиллаа.

-ТУЗ-ийн дэргэдэх Аудитын хорооны 3 удаагийн хуралд хорооны гишүүний хувиар оролцож Банкны Дотоод аудитын газрын 2022-2024 оны дунд хугацааны төлөвлөгөө, 2022 оны үйл ажиллагааны төлөвлөгөө батлах, Дотоод аудитын газрын 2021 оны жилийн эцсийн болон 2022 оны 1 дүгээр улирлын тайлан, “Эрнэст энд Янг Монголия аудит” ХХК-ийн Төрийн банкны 2021 оны санхүүгийн тайланд хөндлөнгийн аудит хийсэн тайланг хэлэлцэхэд хараат бусаар санал дүгнэлтээ гаргаж ажилсан.

Миний бие банкны ТУЗ-ийн хараат бус гишүүний үүрэг хариуцлагын дагуу ээлжит болон ээлжит бус хуралд тухай бүр биечлэн оролцож ТУЗ-өөр хэлэлцэгдэж байгаа бүхий л асуудалд санал дүгнэлтээ хараат бусаар гаргаж, албан үүргээ бүрэн биелүүлж ажиллаж байна.

Тайлан бичсэн:  С.Цэнд-Аюуш /ТУЗ-ийн хараат бус гишүүн/

